

ხონის მუნიციპალიტეტის საკრებულოს წევრის, ვახტანგ ვაჭარაძის მოსახლეობასთან შეხვედრის

ოქმი

ქ.ხონი

13 ოქტომბერი 2023 წელი

ხონის მუნიციპალიტეტის საკრებულოს წევრმა კუხის თემის მაჟორიტარმა დეპუტატმა ვახტანგ ვაჭარაძემ გამართა შეხვედრა სოფ. კუხის მაცხოვრებლებთან. შეხვედრას ასევე ესწრებოდნენ მუნიციპალიტეტის მერი და ადგილობრივი ხელისუფლების სხვა წარმომადგენლები. შეხვედრის დღისწესრიგი: ხონის მუნიციპალიტეტის საკრებულოს წევრის კუხის თემის მაჟორიტარი დეპუტატის ვახტანგ ვაჭარაძის გაწეული მუშაობის შესახებ ანგარიშის წარდგენა.

შეხვედრის თავმჯდომარემ ვახტანგ ვაჭარაძემ მოსახლეობას წარუდგინა გაწეული მუშაობის შესახებ ანგარიში შეხვედრაზე მან აღნიშნა, რომ 2022 წლის 1 ნოემბრიდან 2023 წლის 1 ნოემბრამდე გაიმართა საკრებულოს 20 სხდომა. საკრებულოს სხდომებზე განიხილებოდა ის საკითხები, რომელიც მუნიციპალიტეტისთვის ძალიან მნიშვნელოვანი იყო. ასევე მან განმარტა, რომ საკრებულომ მხარი დაუჭირა რეგიონალური განვითარების ფონდიდან დასაფინანსებელ ინფრასტრუქტურულ პროექტებს და ამასთან ერთად განხორციელებულ იქნა 2023 წლის ბიუჯეტში ცვლილებები, რაც განაპირობა მუნიციპალიტეტში განხორციელებულმა ინფრასტრუქტურული სამუშაოების დაფინანსებამ. ვახტანგ ვაჭარაძემ აღნიშნა, რომ საკრებულოს წევრების მიერ საკრებულოს სხდომაზე ხორციელდებოდა საქმიანი დებატები, რაც ხელს უწყობდა საკრებულოში შემოტანილი პროექტების დახვეწას და მორგებას რეალობასთან.

შეხვედრის თავმჯდომარემ ვახტანგ ვაჭარაძემ ასევე ისაუბრა კუხისა და ახლშენის ტერიტორიაზე ჩატარებული ინფრასტრუქტურული პროექტების შესახებაც. კერძოდ: მე-6 ქუჩის გზის საფარის მოწყობა, მე-4 ქუჩის გზის საფარის მოწყობა, მე-8 ქუჩის რეაბილიტაციის პროექტი რომლის სამუშაოები დაიწყება 2024 წელს. მომხსენებელმა აღნიშნა რომ სოფლის განვითარების პროექტით ჯამში კუხის თემზე გამოიყოფა 52000 ათასი ლარი. სოციალური პროექტით კუხის თემში დასაქმებულია 17 ადამიანი. კუხის თემში კერძოდ ახალსენში მოძიებული ნივესტორების მხარდაჭერით აშენებულ იქნა 2 ქარხანა ჩაის ფაბრიკა და საკონსერვო ქარხანა ასევე მომავალში იგეგმება დაფნის გადამამუსავებელი ქარხნის მშენებლობა. ვახტანგ ვაჭარაძემ აღნიშნა რომ 2024 წელს იგეგმება სოფლის ინტერნეტიზაცია და ახალი საბავშვო ბაღის მშენებლობა რაც დიდი შენაძენი იქნება სოფლის მკვიდრთათვის.

ანგარიშის წარდგენის შემდეგ ვახტანგ ვაჭარაძემ მოისმინა მოსახლეობის მიერ გამოთქმული მოსაზრებები. მათ გაამახვილეს ყურადღება სხვადასხვა საჭიროობროტო საკითხებზე. საკრებულოს წევრმა აღუთქვა მოსახლეობას აღნიშნული საკითხების მოგვარება. მოსახლეობის მხრიდან დასმული იქნა კითხვები სხვადასხვა საკითხებზე. ვახტანგ ვაჭარაძემ დასმულ შეკითხევებს ამომწურავად უპასუხა და დაპირდა მოსახლეობას, რომ შესაძლებლობის ფარგლებში დაეხმარებოდა მათ პრობლემების მოგვარებაში. შეხვედრის დასასრულს ხონის მუნიციპალიტეტის მერმა ლადო ჯურხაძემ მადლობა გადაუხადა დეპუტატს აქტიურობისთვის და თემში განხორციელებული აქტივობებსთვის და ისაუბრა როგორც მიმდინარე ასევე სამომავლო გეგმეზე. ამის შემდეგ შეხვედრა გამოცხადდა დახურულად.

სხდომის თავმჯდომარე:

3. ვახტანგ ვაჭარაძე

ვახტანგ ვაჭარაძე

სხდომის მდივანი:

h

ლელა ჯანელიძე